

DE MEDITATIONE PAS-  
SIONIS ET MORTISD. N. I. C.  
CARMEN.

Crucis aureæ tropæum, nece partaq; spolia  
 Augusta opima Christi, cane mæstula, Domini,  
 Celeres rotans Iambos lyra, tuq; anima mea  
 Age mortis illa diræ intolerabilia mala,  
 Plagasq; vulnerum, quæ rigida in trabe moriens,  
 Sator ille rerum & auctor, Deus idem et homo tulit,  
 Tulit innocens nocentis caussa grauius tui,  
 Dicitu atq; fæda visu, lateris crate tenera,  
 Pedibusq; perforatis, manibusq; beneficis,  
 Meditare continenter, pia pabula fidei  
 Carpens salutis auram. Pro te quia precium  
 Sese obtulit parenti, purus sceleris, onus  
 Scelerum subijt tuorum, ferro hostia cecidit,  
 Tibi vitam vt impetraret, nisi funera merita  
 Nihil, & rogam Gebennæ, tormentaq; Stygia:  
 Muniret & viam qua penetrare procul humo  
 Rapidis in alta Olympi conuexa itineribus,  
 Posses fruiq; parta requiete, vbi genij  
 Flammante curru & alis nitidi, egregia canunt  
 Et gloriosa Christi merita atq; opera, solum  
 Pede dum quatiunt Smaragdis & Iaspide radians,  
 Agitantq; læta plausu resonante tripudia.  
 Agedum, aspice, intuere, vt gemat ille miseriter,  
 Tendatq; brachia, audi ingeminantem Eloi Eloi:  
 Gemitus tibi hic resoluat stupidi glaciem animi,  
 Vt vbiq; cogites, cui Domino sacrificium  
 Laudis sit exhibendum: neq; enim merita tua,  
 Quæ nulla sunt micantis referare atria poli,  
 Iter inuiumq; rupto facere obice poterant  
 Tibi planum & expeditum: decus omne Cruciferi hoc  
 Restinxit is parentis graue fulmen in hominum  
 Genus omne tortum ob Adæ furias scelus & Heuæ.  
 Adamante rigidiores Moysi, latice simul  
 Tabulas, sui cruoris, sine crimine moriens  
 Perfudit, hæ rigorem posuere terrificum:  
 Leti necessitasq;, insita & illa calamitas,  
 Obitu vnus repressa est: gemit Orcus & Acheron,  
 Quatit ipsum anhelat formido Duce tenebricolam.  
 Refracta claustra Auerni queritur, neq; populum  
 Sub abenea iuga missum, non pascere liquidum,  
 Iterum a. hera, viridantes & ouantibus animis  
 Pede libero ingredi hortos, noua fædera & animæ  
 Morte vnus sequestra, pacis, Deum & homines  
 Inter coijse: nusquam integra iura domini  
 Sibi iam sui relinquere. Misero mihi quid ait  
 Reliquum spei, labascit vetus illa religio,  
 Mibi luculenta donis altaria cumulans,

Adolensq; tura Diuis, speciosaq; venerans  
 Idola, marmor, auru, niuei decus eboris.  
 Sacra sancta Dyndimena Domina sacra phrygia,  
 Vlulanda, conticescunt trieterica Bromij,  
 Adytis Apollo mustat, responsaq; Patareus  
 Non vlla mugit, omnem per & Hellada specubus  
 Sacerbalitus vaporans, rabie fera quater  
 Iam desijt Sibyllæ præcordia, rutili  
 Iouis igneumq; fulmen, diadema basilicon  
 Non assis æstimantur: ruere omnia videas  
 Delubra, fana, lucos, anathemata, statuas.  
 Manet Ilias malorum mea regna, cruce simul  
 Iuuenis pependit alta: Galilæia peperit  
 Quem virgo, cuius horrent edicta mare ferum,  
 Sola bruta, purus æther, ventosa tonitrua.  
 Moriente quo sereni lampas rosea poli,  
 Nitore aureusq; phæbi, fursæ chlamydis vti  
 Pressus latuit amictu, concussaq; tremuit  
 Migno fragore tellus, horrendaq; solidas  
 Hausit vorago rupes, adopertaq; tenebris  
 Monumenta lux retexit, rediuiuaq; loculis  
 Sita corpora excitauit, redeuntibus animis  
 In membra, cineribus quæ putrefacta ceciderant.  
 Phlegetontis hæc Tyrannus: Plutonia domus hæc  
 Lamenta & eiulatus repetit, Caua retonent  
 Tenebrosi vt antra Auerni, fremituq; olida palus  
 Gemat æstuans profundo. Sed enim tibi meritas  
 Canimus redempta grates bone natio Crucifer:  
 O laureate victor, stola sanguine roseo  
 Cui tincta velat artus quasi murice Tyrio:  
 Cui corpus exararunt sulcis flagra rigida  
 Prægrandibus, cruenta cui tubera sanie  
 Fluxere, fusa rinis velut vnda sordidis:  
 Cui pectus hasta rupit, caput horrida pupugit  
 Spina, imbuitq; amarus sapor arida labia.  
 Ades, imminentem acuta mihi cuspide Sathanam  
 Abigito, in agone & ipso, fera mors vbi rabidam  
 Exertat ore linguam, tua vulnera fidei  
 Face lumine irretorto intuear, tibi fragili  
 Luteæ domo euolantem compagis animulam  
 Commendem, & integellam præstem sine maculis  
 Sine labe, vt in beato pius ordine numerer,  
 Videam tuosq; vultus, tuaq; aurea solia,  
 Latusq; sempiternum tua numina celebrem.  
 Agedum salutis auctor, magni genite patris,  
 Ades, & meis benignum votis adhibe animum.

A. E. D.